

佛說如幻三摩地無量印法門經卷上

西天譯經義朝散大夫試光祿卿傳法大師賜紫臣施譯等奉詔譯

如是我聞一時世尊在波羅奈國仙人墮處

鹿野園中與大苾芻衆二萬人俱菩薩摩訶薩一萬二千其名曰師子菩薩摩訶薩師子意菩薩摩訶薩善住意菩薩摩訶薩勝思惟

曲二

菩薩摩訶薩持世菩薩摩訶薩入授菩薩摩

訶薩水天菩薩摩訶薩寶積菩薩摩訶薩隱

密菩薩摩訶薩賢護菩薩摩訶薩電天菩薩

摩訶薩徧照菩薩摩訶薩智積菩薩摩訶薩

不休息菩薩摩訶薩不空見菩薩摩訶薩慈

氏菩薩摩訶薩妙吉祥童真菩薩摩訶薩等

復有二萬天子所謂善道天子安意天子等是諸天子皆悉安住大乘法中并餘無數百千大眾咸悉恭敬圍繞世尊聽受說法

爾時會中有一菩薩摩訶薩名勝華藏從座而起偏袒右肩右膝著地合掌頂禮前白佛言世尊我有所問惟願如來應供正等正覺

哀愍聽許略爲宣說佛言勝華藏如來應供正等正覺隨有問者即爲開曉今恣汝問當爲汝說

爾時勝華藏菩薩摩訶薩白佛言世尊菩薩摩訶薩云何得不退轉於阿耨多羅三藐三菩提成就五神通得如幻三摩地得是三摩

地已諸有衆生善根成熟即以自神力如應現化隨諸衆生所起信解即爲說法而令速證阿耨多羅三藐三菩提

佛告勝華藏菩薩摩訶薩言善哉善哉勝華藏汝今善問如是等義汝於過云已去親近俱胝那庾多百千諸佛於諸佛所深種善根

而復能爲一切衆生起悲愍心汝應善聽極善作意今爲汝說于是勝華藏菩薩受教而聽佛言勝華藏當知有二法若菩薩摩訶薩能具足者即得如幻三摩地得是三摩地已諸有衆生善根成熟即以自神力如應現化隨諸衆生所起信解即爲說法而令速證阿

釋多羅三藐三菩提勝華藏所言一法者謂無依止法若菩薩摩訶薩成就此法已乃至徧三界中不作依止想若內外悉無依止由如是故即具正見以正見故得正相應及正所行是故獲得無障礙慧慧無礙故心亦無礙於無礙心中即起正行勝華藏云何菩

曲二

二

薩能起正行謂了一切法悉從緣生於緣生法中無有少法而實積聚何以故以彼諸緣皆不實故是中云何有法可生若法緣生即是無生是故一切法皆悉無生菩薩若能如實了知一切法無生即得成就諸菩薩道所有一切衆生根欲及事能以悲心而悉隨入

曲二

三

說法教化衆生彼佛刹中有菩薩名觀自在復有菩薩名大勢至彼一菩薩得是三摩地於七夜中爲餘菩薩說是法門諸菩薩聞已亦得是三摩地勝華藏菩薩復白佛言世尊彼佛刹中所有菩薩得如幻三摩地者應多於此何以故此佛刹中諸菩薩等於慈氏菩薩妙吉祥童真菩薩所不能專勤請問聽受如是法門是故少有得此三摩地者佛言勝華藏如是如是汝所說彼佛刹中所有菩薩安住如幻三摩地者無量無數不可稱計得是三摩地已乃至能令衆生速證阿耨多羅三藐三菩提勝華藏菩薩復白佛言世尊惟今此會中有幾許菩薩摩訶薩得是如幻三

使彼佛刹二大士等來此娑婆世界復令此會大衆得見極樂世界瞻觀無量光如來應供正等正覺所以者何此佛刹中諸善男子善女人若得見彼無量光如來即能發起阿鞞多羅三藐三菩提心各各願生於彼佛刹普得不退轉於阿鞞多羅三藐三菩提又若

彼二大士來此刹中所有此土脩菩薩乘諸善男子善女人善根增長或復於彼二大士所聞說法已即令獲得如幻三摩地

爾時世尊受勝華藏菩薩摩訶薩請已即從眉間放大光明其光金色於此三千大千世界普徧照耀其中所有須彌山目真鄰陀山

摩訶目真鄰陀山雪山輪圍山大輪圍山等乃至極樂世界邊際一切山石叢林暗暝等處此金色光而悉照破世間所有日月光明廣大熾盛以佛光明所映蔽故猶如眼光其量微小是時光明金色晃耀照徹西方百千俱胝佛刹乃至極樂世界無量光如來所其

光旋環繞佛七匝普照耀已於彼佛前隱而不現是時極樂世界所有菩薩聲聞及餘衆生之類乘前光明悉能見此娑婆世界及見釋迦牟尼如來菩薩聲聞大衆圍繞如觀掌中庵摩勒果皆生歡喜愛樂之心咸作是言南無世尊釋迦牟尼如來應供正等正覺時

此娑婆世界釋迦牟尼如來會中所有諸菩薩摩訶薩苾芻苾芻尼優婆塞優婆夷梵王帝釋護世四王并餘天龍夜叉乾闥婆阿脩羅迦樓羅緊那羅摩睺羅伽人非人等悉能見彼極樂世界及見無量光如來菩薩聲聞大衆圍繞光明熾盛如妙高山映徹照耀偏曲二

四

此刹中如明眼人於一疋手地量之中觀餘面輪而不勞力此彼互見亦復如是時此會衆得見彼佛及彼世界無數百千俱胝那庾多功德圓滿莊嚴事已皆生歡喜愛樂之心咸作是言南無世尊無量光如來應供正等正覺作是言時會中有八萬四千衆生皆發

阿耨多羅三藐三菩提心以此善根當得生於極樂世界

爾時彼世界中所有菩薩聲聞大眾又復生希有心合掌恭敬遙向世尊釋迦牟尼如來而伸頂禮重作是言南無世尊釋迦牟尼如來應供正等正覺發是言時彼極樂世界六

種震動所謂震偏震等偏震動偏動等偏動擊偏擊湧偏湧等偏湧爆偏爆等偏爆吼偏吼等偏吼現如是相已時彼會中觀自在菩薩大勢至菩薩俱白無量光如來言希有世尊希有善逝彼釋迦牟尼如來所有名字稱念中間能令大地六種震動彼佛告言善男子不但此佛刹中稱揚釋迦牟尼如來名字之時有如是相別餘無量佛刹之中亦悉稱揚彼佛名字而諸佛刹蒙光照觸彼皆悉六種震動是諸刹中無量無數衆生之類若得聞是釋迦牟尼如來名已悉得善根增長不退轉於阿耨多羅三藐三菩提

曲二

復次彼會菩薩衆中有四十俱胝菩薩得聞釋迦牟尼如來名已咸起是願普集所有一切善根悉以迴向阿耨多羅三藐三菩提即時觀自在菩薩大勢至菩薩前詣無量光如來所各各頭面禮彼佛足肅恭瞻仰退住一面俱白佛言世尊彼釋迦牟尼如來前所放光昔未聞見甚爲希有何因緣故現是光相若無因緣彼佛世尊不放光明其事云何願佛爲說彼佛告言善男子如是如是如汝所說釋迦牟尼如來所放光明非無因緣彼佛世尊將欲宣說菩薩安住三摩地寶最上法門爲說法故先現是相時觀自在菩薩大勢至菩薩復白彼佛言世尊我等今者樂欲往彼娑婆世界瞻禮親近世尊釋迦牟尼如來應供正等正覺聽其說法惟垂哀許佛言善男子汝等可往今正是時汝等往故轉復發起彼佛世尊宣說法要時二菩薩蒙佛許已即於諸菩薩摩訶薩衆中顧謂八十四俱胝

菩薩言諸善男子我等今徃娑婆世界瞻禮親近釋迦牟尼如來聽其說法所以者何彼佛世尊最上希有能爲難事捨餘清淨嚴好佛土樂於娑婆世界穢惡土中以大悲力教化衆生彼諸衆生多起下劣信解勇發貪瞋癡等諸業煩惱而佛世尊能於其中成就阿

耨多羅三藐三菩提果是爲難事汝等宜應隨我徃彼時諸菩薩歡喜隨順

復次會中有諸大聲聞異口同音前白佛言世尊彼釋迦牟尼如來所有名字若暫聞者尚得善利何況親徃現前瞻禮使瞻禮者肉眼清淨我等欲徃願佛聽許佛言可徃今正

是時爾時八十四俱胝菩薩并諸大聲聞恭敬圍繞觀自在菩薩大勢至菩薩來詣娑婆世界菩薩行時如其所應現諸色相神通事業時八十四俱胝菩薩各各化現八十四俱胝殊妙樓閣高十二由旬一一樓閣高十二由旬廣八由旬四方隅周徧妙好是諸樓

曲二

閣有以金銀吠琉璃頰胝赤珠碼瑙琥珀等七寶合成有以金銀所成有以金銀吠琉璃成有以金銀吠琉璃碼瑙所成有以金銀吠琉璃碼瑙頰胝迦琥珀赤珠所成有以赤栴檀香龍寶栴檀香沉水栴檀香成有以衆妙栴檀香等所共合成有以優鉢羅華鉢訥摩擎俱母陀華奔擎利迦華所成有以須摩那華婆利師迦華瞻波迦華波吒羅華阿提目多迦華成有以駄努瑟迦華所成有以曼陀羅華摩訥曼陀羅華成有以曼殊沙華摩訥曼殊沙華嚕左華摩訥嚕左華作訥嚕華摩訥作訥嚕華蘇囉毗作訥嚕華摩訥蘇囉毗作訥嚕華贊捺囉華摩訥贊捺囉華蘇囉毗贊捺囉華贊訥盧怛摩華薩他羅華摩訥薩他羅華蘇囉毗薩他羅華等所共合成有以一切妙華莊嚴所成有以無數百千殊妙色相莊嚴所成如是一一樓閣之中皆悉出現八萬四千清

淨光明

曲二 九末

佛說如幻三摩地無量印法門經卷上

佛說如幻三摩地無量印法門經卷中 曲三

西天譯藏朝敍矣訖極傳漢師賜紫臣護等奉譯  
復次彼彼樓閣周而或有天女執衆樂器所謂琵琶箏篋琴笙箜篌螺鼓小鼓拍板等類作妙音樂或有天女捧赤栴檀香末或有天女捧龍寶旃檀香末或有天女捧沉水旃檀

曲三

樓閣之中各各有大妙寶莊嚴師子之座化如來像安處其上三十二相莊嚴具足又復一一樓閣之中化出八萬四千真珠瓔珞其珠三色謂青白赤又復一一樓閣之中化出八萬四千殊妙寶幢以諸金鈴網覆其上天衣垂下而為嚴飾又復一一樓閣之中化出

香末或有天女捧黑沉栴檀香末或有天女捧衆妙栴檀香末或有天女執優鉢羅華俱母陀華奔擎利迦華或有天女執曼陀羅華摩訶曼陀羅華或有天女執播嚕沙迦華摩訶播嚕沙迦華或有天女執曼殊沙華摩訶曼殊沙華或有天女執嚕左華摩訶嚕左華

八萬四千寶瓶盛諸妙香又復一一樓閣之中化出八萬四千上妙寶蓋以百千種極妙彩繪而為嚴飾又復一一樓閣之中化出八萬四千多羅行樹及八萬四千七寶行樹一皆以寶繩交絡又復一一樓閣之中化出